

是為真陽神也真陽神即真空性體也

王玉陽真人云一悟真空總了仙

故王重陽真人云靈性分明作大仙是也不能見性則不得真空

見性者性中原是寂靜絕無生滅的人能修心到大定而常在定便見性體此正到仙佛地位者于清風真人云不到真空陽神難出譚真人水雲集云今生若要登雲路不合虛無不得仙

不成陽神

見性真空即六祖所謂若修不動時同無情不動方是成陽

道藏輯要

仙佛合宗語錄

五 畢集一

神

不到見性真空實地必不能出陽神也

修到見性此性出定即為陽神顯神通若未修見性成佛即是未成陽神故不能出陽神若性有妄出乃是外馳之病無定力也

又問曰若何知是真空實地出陽神之時答曰性合虛空而不神用

元始先天道德經云妙法無因妙境無緣又禪宗六祖云禪心無想禪性無生

一緣不染一塵不動絕無出入生滅

先天道德經云唯無生然後爲長生

正是真空實地

心性中有念生染緣與塵者則不住胎息故息有出入凡息有出入者則是性不住之凡夫外道而已若滅卻緣與塵及滅卻出入息復還於胎息而常住定方是無出入生滅如此者是仙佛禪定必由之理也真空者性地無妄可生其心真息定得絕無出入故空爲真若心未全定而少有生滅息未全滅而少有出入則空不真而生死亦未了實地者非似空而不能空者比亦非暫能空而不能頓然全空者比乃頓空而直至無量劫常空始是真空實地故重陽真人云要見真

道藏輯要

仙佛合宗語錄

五

畢集一

空元始虛無是祖宗

一見天花亂墜神念湧出頂門陽神超矣脫矣向上煉神還虛而合道超劫運矣

無上內秘真藏經云道行絕空無心無意無覺無觀是爲真道又云真道寂滅滅無所滅

又問曰古往聖真皆未言及天花亂墜何也答曰上天所禁秘機不肯輕言洩道者有之

仙佛正道真機本上天科律重禁不肯輕洩于狂者愚者之共聞及憫世人時未有不奉天命略露一句智賢者則能悟而成道下愚迷惑不悟者及造一句假言煽惑善信上天聖

真又爲善信憫又多語二三句四五句以救世而狂愚不悟不棄邪歸正又造二三句四五句假言誤人由是真言愈多而假言亦愈多卽世諺所謂一法立一弊生之意同也今憫世人被誤害者眾又露出此一法及五龍法焉知後之棍惡又不造一假言以欺人乎故以不肯輕洩者而亦洩之於世尊達摩神光及重陽真人邱真人金口之先宣洩重詳揭示于我之言也後之學者甯信此書之語明者自明顯者自顯若有不能悟明顯者猶待仙授慎毋聽棍惡之誑言可也

不知而後知之不暇言者亦有之根基淺薄之愚夫不遇仙傳者亦有之昔藍養素養胎於南岳十月功成而不知此久定不道藏輯要  
仙佛合宗語錄  
重  
畢集一  
X〇三  
能出劉海蟾以李玉谿十詠寄之遂大咲而出世尊說法至天花亂墜而亦以此指示人者二祖神光說法亦至天花墜猶懼未脫閻君之手

天花墜乃聖凡生死之分路見天花而出定離了生死超出凡胎之聖也見天花而不出定猶是有生死之凡夫聖由自手握住生死凡由閻君手握生死

斷臂達摩前求於此向上事鍾離正陽真人云雷震天關鬼神驚

天門開如雷震言出陽神者

掀翻宇宙飛白雪

將出陽神而未出先之景見此而後出不見此則不出

呂純陽真人云寒雲散後留殘月

言胎息滅盡定也

臘盡來時向太虛

言見雪來則離實有之幻體而向太虛無

王重陽真人云忽然間振動天花偏墜前面劫有個真人又云空中早仙樂來迎感天花偏墜邱長春真人云若到天庭忽有天花飛方出陽神得初地果也

初得聖果初証仙佛者皆如此

學者當知仙佛同一工夫同一景象同一陽神證果

道藏輯要

仙佛合宗語錄

高

畢集一  
X〇三

史太素胡太真問曰何謂同一工夫古言佛教離宮修定仙教水府求立何彼言之不同也答曰彼言不同者由于凡夫俗子之口非聖真得道者言也我今再詳言其所同者蓋仙言煉精化炁又言留得陽精決定長生卽同佛言戒淫修梵行以出欲界者也仙言轉神入定伏炁胎神卽佛言四禪定息定心定而滅盡以出色界者也仙言煉神還虛卽佛言七地菩薩修上八地如來出現已成佛時加持至九地十地更加持上至十一地等覺以超出無色界之上者也工夫之同也如是亦有如是証果同入仙門學仙者同此卽成仙同入佛門學佛者同此卽成佛若一切學人能見聞此能信受此

能知悟此猶可望成仙佛若不聞此不信此不悟此則是既不知修仙修佛何以妄想成仙成佛耶世之言當下就了者是言臨死時逢惡道魔境離之而能就了實於大道仙佛不能就了也有言當下回機者是言死于此而生於彼時用緣輪迴之機雖入惡道能速回其機而不墮入也此皆凡夫之所修亦仙佛初修之前劫七生天上七生人間者一生天上

一生人間者之初果根基也仙佛二宗人亦當知

彼膠膠

音交

然強談爲二者真下愚不移者歟又問曰世之從事

仙佛者皆分爲二宗各立門戶以爭高今獨言工夫一景象一證果一然觀仙佛之言若不一

道藏輯要

仙佛合宗語錄

壹

畢集一

如世人淺見寡聞只知仙言虛無佛言寂滅不知仙家先天道德經已先言寂滅矣世人只知仙言性命雙修佛則單言見性不知不見性者不成仙惟其不知是以訛傳訛而若不

一  
我亦未識其爲一不能不同世人之分

自六祖不傳衣鉢之後則性學不真皆言和尚操轉劫之性全不究竟如來佛超劫之性以是而分仙佛爲二矣雖佛教五祖之下猶分神秀爲北漸法之教以盧能爲南頓法之宗一佛氏學而同居中國且分漸頓二途况東土西方仙佛而不至于分乎世世人人浮慕修行妄稱得悟者而強爲誑語

以分之不分之則不得以已勝于人也人人得不自誇而愈分乎絕不聞合一之言何以識爲一旦人全不見仙藏內典或有略見佛藏又無一言能解悟領受所以終于不識一雖智者無不在分不分之疑似間也

卽不能不疑今一之說

太一自言曰我之疑非疑仙佛不可一而當分亦非疑可一而亦可分祇見古仙以來皆言一以救世迷而僧流皆分以惑眾信古來人何不救正妄分誤人者而直切指其一于仙佛諸經之自言者又何不具一慈悲救世心直言其若一者而示卽一如今之所說乃直待今說卽一是以未有不疑今

道藏輯要

仙佛合宗語錄

真

畢集一  
川文三

古兩說

請再詳之答曰道修于有爲以至于無爲

仙宗張真人悟真篇曰始于有作無人見及至無爲眾始知但言無爲爲要妙孰知有作是根基佛宗中四來僧肇曰有爲雖僞棄之則佛道難成無爲雖真執之則慧性不朗東土宗鏡禪師云有爲雖僞棄之則功行不成無爲雖真擬之則聖果難證此皆仙佛二宗若一之說人人共見奈彼欺瞞而不令人共知何

道成於有證以至於無所証

仙之養胎成神而猶煉神還虛雖已得道不以爲得實若無

所得是爲真得若已爲有所得則心被有相有妄繫縛不能  
解脫得道故無上內秘真藏經云真道寂滅滅無所滅佛教  
圓覺經云若得如來寂滅隨順實無寂滅及寂滅者此亦仙  
佛若一之說也

仙佛皆然者也

不但仙佛同然雖沙門之四果所言萬法歸于一而一歸于  
無亦有似于此

故呂純陽仙翁云不問神仙與佛共同覺照

覺者是佛是仙當禪定時則覺照在禪定當虛無時寂滅時  
則覺照在虛無在寂滅所以仙佛自始至終皆由覺照覺照

道藏輯要

仙佛合宗語錄

卷

畢集一  
XII

者心中之實悟也若不覺照乃是假說修行而全無實悟只  
爲口頭三昧是也仙家人見呂翁言仙佛同一覺照遂誑言  
曾參黃龍禪師然我昔常究此而見爲謗仙之惡口自知仙  
佛決可兩從亦欲與眾謫之令知爲可兩從故按呂翁以唐  
德宗貞元十二年四月十四日生於唐文宗開成二年丁巳  
舉進士時四十二歲也爲德化縣令出城遊廬山遇異人自  
言是鍾離權其話有契呂遂棄職隨之七八年而聞道後修  
成道于六十四歲五月二十日黃鶴樓前飛昇虛境超出天  
地五行之外世人皆知不可昧者若黃龍者在豫章南昌府  
甯州東鄉黃龍山寺僧晦堂和尚一語言僧俗耳與黃庭堅

居鄰爲言語文字友并其徒號死心者皆宋季人也豈有已  
大定之出陽神而神通能歷過五百餘年不死者之呂反問  
五百餘年後之不能大定出神通而有死者之僧以學死耶  
况呂翁至今屢屢顯聖度人由已得定出定不落生死輪迴  
者而後能之若黃龍則死後至于今獨不能顯一聖如世尊  
之度人如呂翁之度人反言能顯聖之仙而參不能顯聖之  
凡僧雖則毀謗仙真黃何足榮呂何足辱細觀黃在未死時  
不能神通如呂已死後又不能復出現於世如呂此乃死後  
入輪迴胎去久矣故也彌勒佛所謂終是落空亡是也我今  
既得二宗合一之妙見彼二宗學者皆趨小路妄分仙佛而  
爭高自誤致死我示知一便可不墮死入輪迴之塗縱惹僧  
狂日後毀我亦惟盡我度盡後際仙佛聖真之念耳我又按  
自太上傳鍾離鍾離傳之純陽海蟾二人遂分爲南北二宗  
之首蓋呂傳之王重陽王傳之邱劉譚馬郝王孫爲北宗七  
真及下而王棲雲尹清和宋披雲徐復陽等法眷諸仙又劉  
海蟾傳之張紫陽張傳石石傳薛薛而陳陳而白爲南宗之  
五祖及下而彭鶴林彭而蕭紫虛等法眷諸仙皆傳仙佛合  
一之道所修者合一所度人者皆同一法其言之現在諸集  
諸語錄者有徵後之真修實悟者後要依樣自悟自修方有  
實得而後可以不失人身



第仙宗詳言其始所以必詳始者是何故蓋以其煉真精之難得也

凡遇真仙傳辨藥之真時則煉之可得不然世法中所傳之煉終不能得

凡出言爲丹經者莫不章章句句反復宣明不過明小成初果之要法

初關百日用煉精化炁之法化炁而炁足如全體童子便是得長生不死初成之小果鍾離三成之說謂之小成不如是則不得真精不能成其大道

成大道者卽養胎化神于十月出陽神爲得中成神仙九年

道藏輯要

仙佛合宗語錄

一覽

畢集一  
川三ノ

面壁還虛成天仙上真大成之大道

人遂疑其止能乎此耳故一以小成視之而不知其後之大而不可復有加者也釋氏子乃借仙言爲小者而小之以爲貶併不自知其佛法亦如是也佛但略言其始其爲言曰若不除淫修禪定者如蒸砂石欲其成飯經百年劫祇名熟砂何以故此非飯本

此楞嚴經文也飯以米爲本炊之成飯喻修行必除淫離欲成金剛寶座此卽仙家之煉精化成乾元白金之炁同以此爲神之所依佛故以此爲座坐此以修禪定證涅槃成佛而得如來出現卽仙之十月凝神入炁禪定寂滅成仙而出陽

神是如以米炊飯爲仙佛二宗之所同也若不除淫離欲妄稱修佛必不成佛蓋淫慾失生身之根本身心速壞而性無定位故無以證涅槃入泥洹者是卽砂石蒸飯必不成飯此我佛示人以決然不可易之詞也然佛言離欲者小乘也禪定者中乘而大乘也後人掃去離欲禪定自稱當下卽佛愈于往昔佛修直似謗法謗佛不但如蒸砂作飯猶甚似無水無火無米而曰作飯予誠智者當思此義汝以淫身求佛妙果縱得妙悟皆是淫根輪轉三塗必不能出如來涅槃何路修證

除淫者是如來初修行之路淫身是凡夫行淫事之身身既

道藏輯要

仙佛合宗語錄

三

畢集一

有淫漏則漏盡通不能成漏盡通成則真無漏精全炁全而長生漏盡通不成漏之不止則精枯炁竭而必死死必沉溺三惡道中輪轉之苦只因不行如來除淫之路所以不能成如來涅槃之果淫性之根不除漸長淫事雖有偶知佛性當悟畢竟淫性多而間雜妙悟亦無成也當知六祖所說淫性卽是淨性因除淫卽是淨性身後人豈可不除淫而誑人曰參禪悟道哉

必使淫機身心俱斷斷性亦無

淫機而曰身心者言淫機于身斷淫事而不交姤淫機于心斷滅而不妄生淫念故曰身心俱斷初由勉強斷而後得實

証斷勉強斷者是欲界六天有妻妾可淫事者而執身不行  
淫事戒淫而修梵行清淨成身之機斷矣身根于是亦斷成  
自然永不可行淫事如世尊佛之三十二相之馬陰藏相又  
云陰藏如馬蝗卽仙真返老還童子之陰是爲實證身斷證  
到此不可復行淫時始可言斷超欲界之頂而出欲界矣由  
此上昇入色界初入時淫念未滅盡然大修行人有大志以  
超世何故有念未盡蓋日間惺然有真覺時本是無念及至  
昏沉時有睡魔未必無女色魔定心力微者或有隨此念而  
妨害道力正是念未滅盡之過能心有定力勝者執心念歸  
正覺斬絕魔事魔念此亦初入定時勉強斷念之說也念念  
皆斷至于無念可斷此謂之自然真實斷者皆由禪定到念  
住而得初禪如六祖所謂禪心無想實證淫機心斷也方是  
自性戒定慧也從此而大定而常定滅盡方是斷性亦無也  
於佛菩提斯可希冀

將身心求斷淫機是修仙佛初發心地之正因身斷念住是  
證入仙佛地之正果若能以此修便可希望成佛不如是修  
而癡癡地言成佛何異向大海水求火熾洪爐裡求冰堅不  
過只爲外道邪說之人依傍佛名假借門戶以誑世耳恨不  
向楞嚴看此一句以醒心回頭

明淫欲之非佛本必除淫寶精爲清淨梵行之佛本也又曰修

禪定者不除淫根必入魔道

禪定者安定其心於禪靜世尊在雪山六年行四禪九定以入佛道是也此言魔道卽淫事也魔王以魔女惑世尊而未爲所惑淫根已除故不入魔世人若爲淫色所惑所以隨入魔道便不是佛道要知魔與佛相反者

又曰其心不淫則不隨其生死相續

修行人或色界未證初禪念猶不住定心中忽起一淫念着貪愛卽墮入胎中矣古人參禪人在定而投胎去者皆因此也或欲界人命終而死此生而有死續者生氣絕而淫念未絕故見人行淫而亦生心欲與之行淫卽隨此淫念淫事而

道藏輯要

仙佛合宗語錄

一五

畢集一  
又又又

入其胎矣此死而有生續者及轉生而淫念又不絕又至有死相續當知如是生死相續不了由于心淫心斷淫能見色不淫以及有色不見雖死亦不受生于後胎已証天人矣生亦不死者已証不死生阿羅漢果矣以證佛之八千劫說一會法八萬四千劫入一定而長生不死也昔世尊云最不欲母人入我教中雖不淫壞人道行亦有壞道之具正防人之淫心因彼而生也亦卽生死輪迴之機也故云動念時卽受生時是也又說沙門戒律皆禁沙彌侍者絕其淫具也亦防後人生惡行之因後人可不亦遵戒之哉又馬丹陽真人戒門人云真實修行不許用少年童稚只老成四五十歲者一

二人足矣方是清淨境界

又云淫心不除塵不可出

淫心者卽六根之意識心之淫卽根識中之內塵根中有塵而著之不知捨去卽是合塵而背覺故云不可出

而謂作佛氏子學佛宗者不可信受佛言除淫根以脫魔道乎  
史太素問曰我亦嘗聞佛教人說法雖聞巧喻似亦妙高但不聞如何除淫脫魔道者答曰此言人當遵奉佛法戒除淫以脫魔道爲凡夫及僞學者言非槩言及聖智者有悟而聖者自戒必嚴淨修真梵行爲佛種子若吾人自願志心修佛所修行佛所行豈可違佛至要之戒哉

道藏輯要

仙佛合宗語錄

三

三十三

畢集一

昔迦旃延先學四禪已得五通矣

迦旃延在雪山修行禪現得四禪五神通爲八百飛仙之首五通者天耳通天眼通神境通他心通宿命通也

後又必學於佛而修梵行得漏盡通爲六通此是知除淫以脫魔道出欲界斷生死者也

梵行清淨則得戒力便生定力慧力故五戒先于除淫無淫則無塵無魔無欲界無生死故萬法必以除淫爲首

彼世之濫名修佛而不求知佛道因其略于言始

略言者非佛不言但言之而簡略耳

而遂謗佛始之不以此爲要也

因佛止言除淫之名未聞除淫之法故皆謗佛不以除淫爲要

若可不以爲要佛何故屢囑重宣爲至要

卽上文楞嚴經反覆重言除淫之義但不及仙宗煉精化炁之明言

而反掃盡之者竟不用其爲要

眾僧流不說自不知究自不能用反言佛不用其法

嗚呼可惜佛道由此一根滅絕而無果證矣

修六通之行則得六通得証佛果不信受除淫則無六通之行無佛果証故云如來涅槃何路修證

道藏輯要

仙佛合宗語錄

三言 畢集一

然仙宗又略言其終所以可略終者

非仙不言乃有一言而總徹矣故云一言半句便通玄

以其煉神還虛而合道斯時也絕無所爲至虛至無

至虛則無相至無則無法可說何以多言

無極至極

至無之極也

不可以言言者也

無言之可言

亦不必以言言者也不得已於救度後聖第曰唯見於空所空既無無亦無湛然常寂

此四句是太上清淨經中語

後世愚夫不識此一言已徹矣與寂滅何異

此皆卽同冷灰無火者亦有無上內秘真藏經元始天尊云  
眞實寂滅滅無所滅

只因其略而遂謗爲不如佛之涅槃寂滅

內秘真藏經元始天尊云心性寂滅謂之妙因意根不動故  
名妙果

併亦不識佛之詳言涅槃寂滅祇是息無出入心無生滅

內秘真藏經元始天尊云無生無滅無因無果而爲眞果

定而已矣卽同仙經旣無亦無常寂之說也千言萬語明性見

道藏輯要

仙佛合宗語錄

臺

畢集一

川又三

心之旨總不出仙宗煉已煉神還虛後際半句之義

此實二氏之同言若異而理不異佛門末法人強爭爲異正  
所謂矮人擔板只見得一邊

奈何事佛氏者競爭爲自大不知佛之何以成其大而仙本同  
其大

皆超劫運而至未有天地之先此靈光獨耀不隨天地而成  
壞同有此爲大

事仙家者貶佛爲幻空不知仙何以異於佛幻而爲真空而佛  
本同其真空

空以何義爲真空卽佛所說空而不空不空而空是也蓋心

性靜寂而有正覺是爲空中而不空 寂而無正覺則墮幻  
空而頑矣不可也心性住于定似乎不空之定相妙于不拘  
定相洞虛太空不着一所是爲不空中而空也若托相爲定  
而爲法所繫縛不解脫墮在二乘知見矣非真空佛果也故  
亦不可也

茫茫二宗學者徒曰學仙而仙且不知又焉能知佛枉稱學佛  
而佛法不信又焉能識仙道乎妄相譏議不當皆末法學者之  
愚也

若不高誇自己貶別他人如何能爭奪得衣食

終於不知二宗之道皆以如是而了也乃同理而異詞者耳

道藏輯要

仙佛合宗語錄

真

畢集一  
川上八

如是而了者皆除淫欲以出欲界皆禪定以出色界皆証上  
四空定天以出無色界此所同之理也異詞者卽此文兩  
樣之說是也

然而從此究其言之詳亦不爲勝愈於略言之略亦不爲負墮  
於詳者也

負墮二字出傳燈錄乃西土佛說不勝之義

今而後吾又爲佛宗惜而爲仙宗幸何也事佛道者迷其始而  
執其終

始者離欲梵行也徒只口說梵網經而身行世法事不以爲  
始當精進之法迷而不悟一併掃去不用執終者似終之四



空定而實無因得空定掃卻世尊習四禪而入定者上五不  
還天四空天定而九大定者不遵世尊得如來出現時而爲  
顛自以凡夫之流無修無證而爲顛了任其墮空而不肯悟  
是爲執妄惑迷者也能從此理而回心實悟于舉步起而行  
以到家徹上徹下至大休歇而顛了斯足爲我佛門龍象矣  
若只嘆我云代佛宣言別其真偽反誣曰我請則佛法終于  
不得明善卻未來無量數諸佛世尊則四禪九定正法終無  
有一人肯修取證而已矣

棄其命而猖狂談性雖曰秉教普度眾生而實普陷眾生者也  
爲其無可以入首則無所修之根基不知耕田博飯吃終歸于  
道藏輯要

仙佛合宗語錄

卷

畢集一

死亡之禪

若不耕田以博飯吃則如彼之畫餅必不充飢又且有不畫  
餅充飢者有塗口頭禪外道者以人之必有死爲開示以一  
口氣不來爲實悟當機處安然待其死是空亡也此悖佛了  
生死之說矣或有肯實悟禪定者只知四禪五神通而不能  
成漏盡六通以免死亡皆悖佛之四願曰不老曰不死曰恒  
少壯曰恒無病者

按其滾芥難於投針

此亦禪宗人之所說者曰昔佛說須彌山頂上以芥菜子一  
粒投之滾以下山其山下以一針豎立尖向上芥子投過

針尖焉能有遇此事甚難者喻人生於世得人身甚難得回  
心修行甚難遇仙佛正法亦甚難借曰萬幸遇沙門四果之  
初自來生死之法似滾芥投針之難甚言知死此生彼之難  
遇則其死此生于彼到輪迴不能逃者亦多若能于今除卻  
外來六塵輪迴除卻內起六塵輪迴于修佛仙正法相應則  
于針芥相投處方可望一遇  
而輪迴有能逃不能逃者矣

能逃者能知達摩歸空十信又知世尊自擇父母之法則能  
逃三惡道而生于人中洪福不能逃者不知十信擇法不知  
一線之下有投筵必不能逃三惡道而墮入矣故蕭真人云  
道藏輯要

仙佛合宗語錄

真 畢集一

今生若不悟修真未必來生得恁地

所以彌勒佛謂饒經八萬劫終是落空亡者正爲此輩醒也  
地不湧金蓮法華不能轉不坐金剛座不能超劫所以空亡  
事仙道者泥其始而以少得爲足未能究其終者有之  
或有初學少得長生僊人小果便自志得意滿而不進悟入  
定神通反出定神通者則不成神仙內秘真藏經云學小乘  
行終無得道又玉清道德經云或有不明正性未全六乘不  
發智慧亦能墮落是也

究而未能了其終者亦有之

此二節言始終者是言修神仙之始終非言天仙之更在後

者其或有在十月入定養胎神之時頻有出入而不滅盡定  
惟修內神通而不能成神炁不空則不發智慧不超生死也  
未能成大定時而頻出入不絕只成妄走雖欲外顯神通而  
亦不能此卽所謂不能了其終者

或有未到最上上乘

上上乘卽煉神還虛與道合真

能住持於此終處不退念亦不失此形軀暫可長生不死而可  
久爲參請之具爲其人首少得實地

實地者言旣得長生不死則非落空亡之類

得實地便可進修了末後句子以証最上上乘則善於佛氏子

道藏輯要

仙佛合宗語錄

三

畢集一

者矣求其混處世法中能以戒行爲寶者則佛氏子實有勝者  
焉

僧流雖庸下之流每有道高明受戒者道流每有高明之輩  
同于庸下無戒此便是道者不及僧者處是何故蓋僧有戒  
經頒行于徧世界專習戒經者名曰律師以講明律義大眾  
便于聞戒易于習學及披戒衣求乞者俗人不擇真僞曰戒  
僧也慨施之以是借戒者多至于仙戒天律明科甚多有全  
說之戒經有諸經之內皆有戒條戒語俱在道藏內盡用住  
持者秘藏不令世界中學道者得知得見又無律師傳戒遂  
使徧世界人疑爲仙真無戒彼何由以發心受戒抑從何處

得以聞戒及至求乞者無戒衣可披俗人亦不以如有戒之  
僧一樣視之而施故出家者以易化緣之故入佛教者多矣  
故浙杭有一諺云和尚化緣如猫捕鼠一開口便咬一個尼  
姑化緣如狗捕鼠或偶有咬得一個者道士化緣如馬捕鼠  
舉一世亦不能咬得一個以此諺觀之則浙地不學仙間有  
出談仙道者終不知談真正仙道也

後之高賢當知人一類也

其性命精氣神等仙佛二宗之人皆同

身一生也

皆由父母二炁所生不如此者便是卵生濕生化生之眾生

道藏輯要

仙佛合宗語錄

三  
畢集一

心一性也

皆具純真不昧之體有至靜不動之理

入佛宗者幸毋廢起首腳跟下所行以自絕於佛道者也

凡言腳下所行起初必有所行之工也從一步行起直行到  
極處不可少者諸佛諸菩薩未有不依法修行者古人所謂  
若少一法不成佛法是也

亦毋二視其性而併自絕於仙道者也人一而性豈二耶

人生來所具同一性所修亦同一性所以超劫運而不隨劫  
壞者亦同一性故我有幸得深明此一性也昔華嚴經云護  
持諸佛法攝取大仙道此世尊且取仙道而修眾凡豈可不

取乎又云大仙所有施戒法忍辱精進禪智慧及以方便慈  
悲道佛清淨行願皆說此亦不二視仙佛性之道也

遇有仙可學則學仙卽佛也遇有佛可入則入佛卽仙也

言仙佛本皆難遇遇而不聞其言不見其神通亦不知其爲  
仙佛言而不言及超世大道則仙佛之道尤爲難遇世人有  
何德何功之大何修何福之力而可輕易能得遇仙佛遇仙  
佛之道耶我故重示之曰在佛宗之人倘偶遇仙則學仙卽  
是學佛何碍于禿頭禿嘴在仙宗之人倘偶遇佛則學佛卽  
是學仙亦何嫌其留髮留鬚本來了在一性何必差別分于  
外相爲哉後學其能聽之否也

道藏輯要

仙佛合宗語錄

重

XXXX

畢集一

唯真修正覺以頓了而各自努力精進可矣

言仙佛性固同道固同則所修者當有同証唯精勤修者則  
證同有不同者是各人勤惰之不同真修僞說之不同故所  
證亦不同而又分別門戶爲不同今重示正覺者爲禪定中  
寂而常覺二宗之小乘趨大乘上乘必須皆努力而後能得  
不然必爲無知頑空者之所害二宗俱不得所利益予故說不  
可以有爲單說仙亦不可以無爲單說佛以其皆有爲皆有  
無爲不能分而不分也

仙家言有爲者卽煉精用小周天煉炁用大周天是也言無  
爲者卽炁定神定還虛合道是也佛言有爲者卽燃燈說法

常轉法輪言無爲者卽龍宮天宮人定靜室中人八萬四千  
劫定是也又沙門禪師言有爲者卽萬法歸一言無爲者卽  
一歸無又西來摩訶師云棄有爲則佛道難成執無爲則慧性  
不朗當知皆由戒而得定慧皆以有爲而精進無爲也若不  
如是墮空亡矣

昔見佛藏有正法念處經亡先世三十三天帝釋

佛藏中言三十三天者卽指欲界六天之第二天忉利天也  
又名淨居天言有三十三人同爲此帝釋故云如此華嚴經  
云如來十四天下中或名釋迦牟尼或名第七仙或名帝迦  
此世尊之自名仙自名爲帝釋也非可指爲仙家之人而妄

道藏輯要

仙佛合宗語錄

三

畢集一

貶之也

以天福盡故退生下世佛釋迦出世爲其說法得不退失旣云  
帝釋是仙宗天帝因佛說法而得道仙道卽佛法也有可稽也  
又何分仙佛爲二卽又何誑言修仙者不用禪耶惟大聖智而  
後知同悟於極也亦唯後聖心自信之以圖自究自悟慎勿向  
濁惡愚夫言徒然致其一咲所謂不咲不足爲道也彼咲而爭  
人我者何人從地獄畜生二道來者原無自修自證而又無見  
無聞又且不信見不信聞必不足以知此雖然予爲憂世有餘  
說焉卽此仙佛正宗修證而觀之試審二教末學果有誰知一  
悟於此乎抑亦有聞而信受於此乎皆爲根淺福薄見邪所障

也是以仙教未學不學仙道以按導卻病爲多能以房術採戰爲樂計以烹鉛鍊汞爲服食猖狂行教于世索謝禮于卻病之塗縱淫媾於採戰之局挾騙機於烹鍊之場

元始報恩成道經元始天尊言世人生入邪道顛狂惑亂自製一法敗黷道要以求利用賍滿罪積生身被考種種苦惱死入地獄遍遭湯炭永無出期正同此類

舉世皆然可有一人不如是乎不如是者則真志於真仙者也  
有學真仙之志乃前劫有真修正道之根不入旁門不學邪法不行騙局務修德恐不及豈肯喪德

奈何濁世凡夫中絕無真仙真道而世何由以學

道藏輯要

仙佛合宗語錄

三

畢集一

世間因無仙道只有採戰淫術故學者只學此而聞此被其迷惑雖至于耗精神喪性命不知改過

祇聞仙自天降而度人者

邱長春真人云了悟仙地出神登仙者悉是虛空點化非凡師所度

內而神系成真外而煉汞點化心口密授而已不意凡夫棍黨諸能內外而遂誑人則世世被其害者幾多人耶又見佛教末學不學佛法予以佛經諸法所開示者而宣示之彼若視爲刀加彼頸忿若仇讐

無上內秘真藏經云聞大乘而生不信此人從無量劫來受

六畜身故生我慢不信三寶

徒以勸修功德而自竊庇爲遇緣以化人布施而自享利爲護法以打人一棒而得勝機爲超宗

陳真人云饒他傾河之辯反爲入道之魔內秘真藏經云繫業不住業業相牽云何解脫

皆凡夫外道空亡事耳全與佛法不生不滅而涅槃者不相干涉而公然駭俗驚僧不求真佛法爲志願不求諸佛法爲愧恥爲釋迦三十三祖之罪人爲哄誘善信墮輪迴之魔鬼楞嚴經佛言如不斷淫必落魔道彼等魔眾自謂成無上道我滅後多此魔民廣行貪淫爲善知識令諸眾生墮愛見坑

道藏輯要

仙佛合宗諸錄

三

畢集一

失菩薩路

害人甯有已哉以若所爲爭相冒認口會佛法何異說真方賣假藥者乎其不如勸人行善之有補於世道也遠矣噫有志仙佛者幸毋墮入此二種外道局中斯有可向上之望不然這般種子蟠結心田何生識得滅卻而真修實性陽神出而還于虛耶